

# BOANERGES.

Seu Filius Tonitruī, hoc est, Fulmen.

# ORATIO

DE S. IOANNE APOSTOLO,  
ET EVANGELISTA.

HABITA

Quirinali Pontificum Sacello.

AD SANCTISSIMVM DOMINVM NOSTRVM

CLEMENT X.  
PONT. MAX.

A PLACIDO SPARAPANO CAMERTE.



ROMÆ, Ex Typographia Reu. Cam. Apost. MDCLXX.

Superiorum permisso.

CLEMENT X

1623

1623

1623

1623

1623

1623

1623

1623

1623

1623

1623

1623

1623

1623

176  
CLEMENTI X.  
PONTIFICI  
MAXIMO.

*Placidus Sparapanus Felic.*



Dilectus Christi Discipulus fas est,  
vt Christi quoque Vicarij sit  
dilectus. Eius porro, quem di-  
ligimus, laudes & audire libet,  
& legere. Et Tu quidem, Bea-  
tissime Pater, Ioannem effusa laudatione di-  
gnissimum, breuissima oratione, qualis nimi-  
rum loco debebatur, ac tempori, solemnita in-  
ter Sacelli Tui Pontificij Sacra à me laudatum  
audisti. Eadem ferè, paulòque pluscula verba,  
quæ Tuis tum benignissimis auribus accidere,  
ante Sanctitatis Tuæ pedes cum ipsorum oscu-  
lo humillimè prouolutus in hac pagina cle-  
mentissimis Tuis oculis legenda nunc offero;  
ea fretus fiducia, fore vt in argumento, quod  
mihi propositum fuit, amoris, Tuæ illius bene-  
uolentiæ memoriam repetas, qua Tu me Ca-

mentium olim Antistes ea in Vrbe complexus  
es, & iugi deinceps voluntatis Tuæ signifi-  
catione fouisti. Quod veluti mihi gloriosum est  
maximè, ita Deum enixè rogo, vt Pontificatus  
Tui Orbi vniuerso tam salutaris, & fausti glo-  
riam, votis omnium exorata ipsius pietas an-  
nuat diuturnam.


S 177

Boanerges,  
Seu Filius Tonitruui, hoc est, Fulmen.

# ORATIO

S. IOANNE

VANGELISTA.

 **BOANERGEM**, seu Filium Tonitruui, hoc est, Fulmen (Beatissime Pater) suum nuncupauit Discipulum, quem Christus Magister amantissimus idem, ac sapientissimus diligebat. Quid amor cum fulmine? Ioannes certe, postquam Dominicæ dilectionis significatione præcipua supra pectus Domini in suprema illa, Diuinaque Cœna recubuit, eo de sinu non fluente modò doctrinæ, arcanaque cælestia, sed locupletissimi etiam amoris vberem adeò venam largiter, affluenterque potauit, vt amorem proindè ex abundantia cordis affatim deinceps eructans, nihil habuerit in ore frequentius, quàm dilectionis suadelam illam planè dulcissimam, Filioli diligite alterutrum; præceptum namque Domini est, & si solum fiat, sufficit. Et hunc, quem etiam sui Vicarium adoptione mirabili, Genitrici suæ filium salutis idem nostræ Vindex inter moriendum attribuit,

Marc. 2.  
27.

ex 5. 1110  
rom. in.  
epist. ad  
Galat.

buit, adscito cognomine appellari decuit Boanergem? At enim Diuina Sapiencia Veritasque sic loquitur: Latet igitur in hac appellatione mysterium: perscrutemur. Dilectionis filius, filius tonitruui appellatur. Audio: non nisi fulmen est amor: Totum fuit amor Ioannes, totus igitur & fulmen fuit.   
 men certè amorem esse quis neget? Vt ne-

ni, sic etiam nemo potest amori resistere.   
 omnia fulmen, & omnia vincit amor. Feriunt ita  
 tos fulmina montes: & Deum supra non montes  
 modò, sed supra cælestes orbes altissimum tanta  
 cum vi perculit amor, vt illum indè non solum mi-  
 noratum ab Angelis, sed diminutum planè, com-  
 minutum, exinanitumque in terras altè constrauerit.  
 Nusquam se se mors quàm in fulmine fortio-rem o-

Cant. 2. 6

stentat: Atqui dilectionem fortorem esse, ceu mor-  
 tem, suo nobis Deus & oraculo, & periculo appro-  
 bavit; quando Deum nempe viuum, immortalemq;  
 vitæque pariter, & immortalitatis artificem vna  
 tantum generis humani dilectio dedit neci. Parùm  
 dixi, qui amorem æquaui cum fulmine; ardentior  
 multò, potentiorq; fulmine caritas est: ruat enim  
 fulmen in flumen, aut mare, deficit illicò, & vane-  
 scit: At verò aquæ multæ, ex effato mortalium Sa-

Cant. 7.

cientissimi, non potuerunt extinguere caritatem,  
 nec flumina obruent illam. Benè igitur, sapienter-  
 que Dilectionis filium, filium tonitruui, hoc est ful-  
 men, Ioannem appellauit corporata Dei Sapiencia

Boa-

Boanergem. Et verò vim in Ioanne sternentis omnia fulminis sensere olim certè, sentientque in omnem posteritatem monstriosi scelerum, hæresumque Magistri, Gigantes Deo, Fideique bellum longè nefarium inferentes; quos è Cælo planè tonans, & Ioannes perculit, ac diffrauit: cum res, & sidera euectus, inque solium ipsum, unitatis immergens sese, vibratum illud, in Arrium, & vniuersos de Christi Diuinitate sentientes intorsit, In principio erat, & Verbum erat apud Deum, & Deus erat <sup>10. 1. 1.</sup>  
 Vim etiam in eodem omnia vincentis <sup>10. 1. 4.</sup>  
 ...ris amantes Christi sentiunt, sentientque, cum ex ipsius ore prolatum, scriptumque calamo tenebrarum illud, ac dulce auribus item, ac animis aut legunt, aut audiunt: Et Verbum caro factum est. Quid? in Angelos ipsos, hoc est in Episcopos Ecclesiarum in Asia, quibus Ioannes, quàmque grauib. minis reprehensor, & iam iam ultor intonuit? quis in ijs characteribus fulmen non aspicit, & formidat? Præmia rursum corruptos mores, inductaque vitia corrigentibus quàm parata, quàm opulenta, ac splendida pollicetur? Et quis ibi vim non agnoscit, fatereturque amoris suauissimè fulminantis? Iam verò Ioannes ipse sub insensis Christo Principibus, Tyrannisque in Christi affeclas omni furore, ac scelere immanissimè sæuientibus, quibus non iactatus est fluctibus, & procellis? In aquis tamen multis pericu-

riculorum, ærumnarumque fecit profectò ille prodigia, cuius caritas tot tempestatibus, vndarumque iras despumantium montibus, nec obrui potuit, nec extingui. Ex olei feruentis dolio immunis, illæfulque dicitur exiuisse. Vsq̃ue adeòne Ioannis, & fulmineus amor, & fulmen amabile oleo propriè nutritur? Denique in Sanctis ijs quatuor Animalibus Ioannem Aquila figurauit alitem rerum naturalium Historici fulmini gi testantur; & ab eodem Poetæ commentum Ioui ministrari fulmina fabulantur. & fulmen Deus non visus est abstinuisse à Ioe  
 dixit, Sic eum volo manere donec veniam. & quæ obrem exijt sermo inter fratres, quòd Discipulus ille non moritur. Numne Ioannes rursum fulmen Christo non obtulit, cum aduersus inurbanos, ingratosque Magistro suo Sammaritanos, vna cum germano suo Iacobo ardore subito vehementer exæstuans, Vis dicimus, ait, descende ignis de Cælo, & deuoret illos? Videte iam in Ioanne fulmen, si spicite amorem: amorem in Christum, fulmen in perfidos. O Ioannem igitur Diuini simul amoris pignus longè dulcissimum, simul etiam fulmen filium tonitruui Boanergem? cuius nempe pro Christo, reque Christiana vniuersa flagrantis & in amore fulmen, & in fulmine amor fuit.

IOH. 21.  
12.

LUC 9.54

